

寶應縣

四冊

寶應縣志卷十

官師志

宦績

漢

陳登

唐

權隼

盧峴

宋

徐天錫

趙鈞臣

賈涉

麋弇

江潤身

朱龍文

梁棟

寶應縣志

卷十目

一

官師志

明

刁駿

韓立

劉恩

聞人詮

黃敖

鄧繼曾

張準

岳東升

蔣遵正

李瓚

徐成位

李涑

韓介

耿隨龍

陳燿

劉達

余增遠

孫鍾臯

黃致

陳大模

張隆

徐志高

袁鑾

王革

危澄

于惠

吳朝喜

倪鑑

漆文昌

朱廷輔

孔承先

蕭如蕙

扶桂重

盧洪夏

汪文盛

華允謀

清

孫蕙

葉燮

徐璉

張增

熊會珍

蔣堯年

沈錫鼎

李英

謝宣

吳春澗

孫源潮

唐先甲

傅璋

王灃

姚文

郝植松

胡瀛生

朱士俊

葉均

孔傳坤

侯鳳苞

湯潞

張鼎

邵長濬

楊泰煥

程學伊

寶應縣志

卷十目

二

官師志

寶應縣志卷十

官師志

宦績

陳登字元龍下邳人沛相珪子也登學通古今處身循

禮非法不行性兼文武忠亮高爽有扶世濟民之志年

二十五舉孝廉除東陽長

按後漢書東陽屬廣陵郡隸徐州刺史登行狀云州牧陶謙三國志魏武紀徐州牧陶謙

東陽隸徐州知非清河郡之東陽

養耆育孤視民如傷是時世荒民饑州牧

陶謙表登為典農校尉乃巡土田之宜盡鑿溉之利秔

稻豐積拜廣陵太守加伏波將軍五年移治射陽築堰

障淮今高家堰是也遷東城太守

張教諭宗泰曰兩漢志無東城郡疑東郡之譌

吏民

寶應縣志

卷十

宦績

三

官師志

佩其恩德共拔郡隨登老弱繼負而追之登曉語令還

曰太守在卿郡頻致吳寇幸而克濟諸卿何患無令君

乎年三十九卒魏文帝追美登功拜登息肅為郎中

圖經

權隼字子鷲略陽人纘承茂緒祇服家法天寶末州里

舉經明屬幽陵叛渙計偕中止試守河西尉真拜鄆陵

丞除寶應丞是歲母棄養刺血寫大乘微言毀瘠過禮

除喪調補宋城丞授福昌丞改華州司士所至之邦必

聞其政所奉之主必加以禮內外循理心正氣和貞元

九年卒年六十一盧峴范陽人奉前人之業克家從政

歷蒙城主簿寶應尉丹陽丞寬敬泣事不希名譽每當

廉問薦延之日使臣陟明之舉遷延晦避時議多之清  
行懿名竟用不振大歷九年卒年五十五

唐德興  
撰墓志

徐天錫字日休吳忠武王溫後宋天禧中以進士起家  
累遷著作郎知寶應縣事時邑大饑疫天錫募民出米  
爲餽粥以食飢民聚醫藥以治病者其家人屢勸無近  
病人天錫以爲令當然不聽也竟以疫卒吏民稱念不

忘

道光  
志

趙鈞臣字秉之清州韋城人任寶應主簿會令缺攝令  
事有能名調監雍邱酒稅知河間縣擢通判卒贈朝議  
大夫鈞臣篤友愛家有田二頃親戚之貧者皆從鈞臣

寶應縣志

卷十

官績

四

官師志

食自奉僅免飢寒官寶應時聚書數千卷無日不觀歸  
則鬻衣衾載之以從

宋汪藻  
撰墓誌

賈涉字濟川天台人幼好讀書慷慨有大志嘉定間以  
父任高郵尉改萬安丞寶應擇令堂差涉至卽請城寶  
應役興以憂去金人犯光州起涉竟前役建縣宇及增  
知縣題名遷縣治還舊基濬望直港通射陽湖民便之  
通判眞州知盱眙軍時淮人季先沈鐸說楚州守應純  
之招附山東人李全等又招石珪楊德廣等號忠義軍  
後珪反殺鐸純之罷通判梁丙行守事珪等謂朝廷欲  
和殘金置我軍何地遂渡淮屯南渡門肆焚掠丙遣季

先等拒之事甚危涉時在寶應上書曰降附踵至而金乃請和此正用高澄間侯景遺策恐山東之禍必移於兩淮况金人所乏在財與粟若舉數年歲幣還之是以肉陷餒虎又忠義軍人源源而來不立定額自爲一軍處之北岸則安能以有限之財應無窮之須饑則噬人飽則用命其勢然也授涉淮東提點刑獄兼楚州節制本路京東忠義人兵涉亟遣傅翼諭珪等逆順禍福自以輕車抵山陽德廣等郊迎伏地請死誓以自新金太子及僕散萬忠等數十萬大入涉分遣陳孝忠等向滁濠李全等要其歸路大破金人獲僕散萬忠由是金人

寶應縣志

卷十

官績

五

官師志

不敢窺淮東者六七年遂收登海萊沂等郡擢太府少卿制置副使兼京東河北節制加吏部侍郎以爭得璽事與史彌遠不洽事並見宋史本傳及卒贈龍圖閣學士光祿大夫子似道

道光志

麋弇字仲昭吳人寶慶中調監臨安府新城稅未赴以材選從事寶應州節制司弇親習士卒捐己俸募善射

葺城壁州于是始有備

黃氏日抄  
麋公狀

江潤身字明德婺源人咸淳元年進士授廬州梁縣尉兼合肥簿事廉明剛決獄多平反制置李庭芝留攝寶應簿奏充瓜州鎮官命下而卒學者諡曰事天先生

嘉靖

朱龍文字鼎臣安吉人景定二年進士主興化簿寶應人久訟葑田不決使按治之得其平賈似道當國龍文不以姓名通咸淳間為揚州僉判

乾隆湖州志

梁棟字隆吉其先湘州人父安道寓鄂州棟生于鄂弱

冠登第

明程敏政宋遺民錄棟登龍飛第嘉慶揚州志棟鎮江人咸淳四年進士

初選寶應簿再調錢

塘仁和尉一時聲名藉甚入元居武林守道安貧澹如

也

乾隆浙江通志引胡迺梁隆吉詩集序

刁駿鄆城人明正統五年任寶應縣清謹有惠政卒於

官民甚哀之

道光志

寶應縣志

卷十

官績

六

官師志

韓立浙江蕭山人宏治三年任寶應縣善營造公私無

所費

道光志

劉恩字以忠高陽人正德十六年進士嘉靖元年任寶應縣恩為人明敏決事如流會歲大饑又大疫死者相藉恩力請當道題奏發帑金數萬糴穀分委義民於各坊村設糜賑濟立法周盡一邑賴以全活縣舊三十六里恩併為四坊三十里又遍詢諸弊政悉為釐革糧長更為廩頭管夫老人更以屬之縣十年一審均徭更為一年一審恩宜民之政最多此其尤鉅者至今民思詠之升懷慶府同知湖廣參議

道光志

聞人詮字邦正餘姚人嘉靖五年進士授寶應知縣會  
歲旱漕渠水涸督漕都御史閉牐洞令嚴甚詮不奉命  
曰民命是甦雖獲罪何害旱遂不爲災邑有湖患欲開  
越河避湖險數請諸大吏不果行以治行擢御史上疏  
略曰臣昔令寶應見南臨巨湖延袤三百餘里風浪險  
惡防岸屢崩軍民糧運等船輒見覆溺高郵寶應興化  
泰州鹽城等州縣土田恆苦滄沒新興等十場鹵地亦  
被漂沒每當一決之時動有千金之患正德年間修壞  
塞潰經費不下數萬餘兩其沒溺人船荒棄田土蓋又  
不能以數計也臣重念民艱求所以拯救之方迺知高

郵舊時亦多湖患宏治年間刑部侍郎白昂開越河一  
道計用工料價銀四十餘萬兩比時若爲勞攘迄今稱  
爲康濟此州之民遂獲更生者數十年矣今寶應與之  
接壤受患相同而興利之功獨異節經管河郎中陳毓  
賢等相繼具題詔章拯高友璣楊宏等官相視開築撫  
按諸臣遷代不常守土之官僥倖無事遂因循廢閣久  
而無成臣與先任揚州府知府易瓚等經畫估計約工  
料等銀九萬七千餘兩臣猶自度土木工程非浪估可  
計迺復鳩集百夫試築一方合用人工樁木磚石灰料  
等項俱以一起十積算引伸共計須銀四萬三千三百

兩零蓋已減於原勘之半而視昔日康濟河之費僅十之一耳今又逾二年仍復未見舉行伏望軫念一方之害早爲先事之防勅給兩淮餘鹽銀兩差司屬官一員督理興工庶事不至因循而功業可期必集矣朝議從其請寶邑越河之開詮之功多焉詮少游陽明先生門督學南畿與諸生講學以劾吏部尚書汪鋹廷杖削籍終於家

康熙紹興志云廷杖後爲南京提學御史校刻五經三禮舊唐書行世出爲湖廣按察司副使告歸

邑人思之祠

于北湖館後祀名宦

圖經

黃敖臨川人由舉人初任電白縣知縣服闋補任寶應器度豁如政先仁厚賦性簡潔有冰蘖聲考滿升祁州

寶應縣志

卷十

官績

八

官師志

知州

道光志

鄧繼曾字士魯資縣人由進士任兵科給事中以直言左遷金壇縣丞升無錫知縣以憂去嘉靖十二年補寶應知縣風裁英赫不畏強禦吏事精敏案無滯牘使客往來一切供應率裁其半無敢繹騷者在任數月累遷

維摩州知州徽州府知府

明史本傳

張準字立之江西德化人由舉人嘉靖間任寶應縣知縣守官廉謹敷政平易節省財力民以不擾縣衝疲多水患準築隄安民至今有張公隄考滿擢雷州府同知

陞福建鹽運司

江西通志

岳東升字伯陽河南信陽人以舉人嘉靖間令寶應地處衝劇邑務蝟集每晨起坐堂上剖決如流午後公庭閒寂輒端坐吟詩吏無事可白綜覈嚴明人凜然憚之嘗浚得寶河自爲文紀其事升戶部主事

道光志

蔣遵正字

全州人嘉靖三十七年由舉人任寶應

邑久凋敝遵正以建城請於大吏官爲經理城成倭再

犯恃以無恐在任四載清慎不擾去之日邑人設位祀

之

道光志

李瓚字獻夫江西豐城人由舉人嘉靖間任寶應知縣老成廉靜以誠待民召訟者至前道以禮讓人咸感悔

寶應縣志

卷十

官績

九

官師志

訟爲清簡每春日勸農躬詣隴畝有古循吏風在任凡五祈雨雪皆應禱立至人以爲善政所感瓚蒞邑三年數罹水災瓚不忍催科歎曰願以身當之遂左遷忻然歸田里留詩誌別旣去之二十有四年邑人思之不置建祠北郭知縣耿隨龍製碑記褒美焉

道光志

徐成位景陵人由進士授舒城知縣有聲望隆慶三年寶應饑民告急三院保薦轉知寶應縣事至則恩威並濟迎刃而解明年大計以治行第一賜宴並帛是春奉內召入格于年授儀部主事

道光志

李涑字源甫雩都人隆慶六年由進士知寶應縣事時

大祲之後民間腴田悉歸他邑豪右其餘荒田無力開墾而徭役任土著民既失生業又任重役困不能支涖命數家充一里長以分其役編寄莊者之役曰田我田則役我役招民間有力者墾荒田請於當道停徵三年王野鄉荒甚分其糧於三十里俾無偏累裁革閭左管

圖經作營

夫增益夫值易塘老爲淺官月給廩餼罷田鄰夫

民困大蘇遷南城門築應宿峯立學田贍諸生膏火嘗隆冬築塞槐樓潰隄晝夜立風雪中民皆感泣用命尋陞給事中疏陳寶應水利五事皆施行出爲蘇松兵備道時寶應越河工興涑遺書在事諸公言寶應災苦狀

寶應縣志

卷十

官績

十

官師志

故徵夫四郡縣人未嘗充一夫後官至應天巡撫都御史邑人立像祀於泰山殿西偏道光十九年移建專祠於二烈士祠右

道光志

韓介臨淄人萬歷七年進士授寶應知縣時有旨丈田未三月遂畢事請於督河侍郎大濬支河功最著會開越河司道官若府縣正佐有事河工者官役甚衆介曰若責供頓於民民何以支白督府罷諸執事供頓工竣民無所擾寶應自築城後科第乏人堪輿家議學前開城門以迎湖秀屢請不得介力言當道塞便益門開迎秀門士人德之行取浙江道御史應召將行湖水暴溢

西風大作南城角隄將決介出立隄上集千人培以剛

土隄得不決

道光志

耿隨龍字

滑縣人萬歷十四年進士授寶應知縣

時邑數遭水災民貧甚隨龍察民所最患苦者曰坊長曰里長曰廩頭坊長者諸大吏往來送迎供頓陳設之具皆任之里長者凡地丁銀完欠收解皆任之廩頭則漕糧之完欠收兌皆任之隨龍盡罷歸農民困大蘇邑瀕湖歲派夫三百四十名隨龍請官銀募夫歲省民數千兩故事河工採辦物料僉富民充之曰耆民多賠累隨龍悉令官辦民得無擾他如革官農燈夫諸善政民皆以爲便請於督府勒石著爲令貢士劉孟夏者家貧無子隨龍曰善人可無後乎因爲置妾又治宅一區居貢生丁珠立生員姚曰謙朱纁介後又嘗給流人陸科葛山銀俾贖其妻以歸邑有年滿三十不能婚嫁者助以貲若王敬朱友曹整陳和季春汪玉學陳全王隱等凡四十餘人冬則訪老而貧者二百餘人日給米一升十六年旱蝗大疫隨龍四門施藥爲文告八蜡之神蝗不食禾皆抱草死續來者投之湖中復於湖西開陰隲河漑田數千畝民尤德之凡治寶邑五年日以除民不便爲事旣考滿選戶科給事中會朝議開周橋牐護陵

隨龍上疏陳不可狀事得寢其不忘寶邑如此去任後  
民謳思不已建祠祀之

道光志  
圖經

陳燿字葆光山陰人萬歷十七年進士授寶應知縣時  
淮水漲泗州爲陵寢患朝議開周橋十餘丈洩淮水戶  
科給事中耿隨龍愕曰如此則無高寶矣上疏陳不便  
狀帝遣工科給事中張貞觀相視形便燿繪圖獻曰寶  
應彫疲全因水沴國家命脈實藉漕渠計根本則祖陵  
重運河亦重論墊溺則泗民可憂高寶亦可憂也縱不  
得後祖陵先運道亦豈以病泗州者病高寶哉寶應濱  
湖小邑運艘必經故築高堰所以障淮水全運道衛民

寶應縣志

卷十

官績

十二

官師志

生也堰南四十餘里爲周家橋舊有小溝闊丈餘深二  
三尺伏秋時水從此溢出高寶之民嘗請障之今欲開  
十餘丈而深一丈五尺不幾以高寶爲壑哉夫淮出清  
口與黃交會拒黃之不內灌者全力勝也且借淮之清  
減黃之濁并黃入海而不甚淤焉若周橋開淮從中洩  
勢分力弱黃必乘之濁流日淤清口而全淮之水將注  
于湖彼其浮天撼地沃日蕩雲之勢豈一線隄所能障  
乎况周橋地勢峻聳踰高寶遠甚而興鹽及各場竈則  
下而又下者也水擊隄齧潰敗四出卽欲力堵安所措  
手恐諸州縣之困不減泗城而運道鹽場從此壞矣江

南糧儲何由轉輸百萬鹽課何由煎辦九邊軍餉何由取給此周橋之萬萬不可開也今黃河底高一遇水發淮黃相映欲洩淮流而不分殺黃水豈能驟消淮漲哉故所稱老黃河者今日所宜急開也當事者誠察於淮水受病之源由河強而淮弱於淮黃未會之處分河而殺黃強河既分弱淮稍振不必治淮於淮而治淮於河庶幾黃不外逼淮不內漲泗城可保祖陵可安而運道民生各有攸賴矣或謂河不兩行支河一開正河必奪是矣然以今日計之特患其不奪耳使河自河而淮自淮豈復爲祖陵之患耶至泗城故址原屬卑窪城中積

水頓難涸洩假令異時靈雨如昨卽開周橋未必能減泗民之困也夫利一州而害數州縣仁者弗爲况利者未必利而害者立見乎會南河主事黃曰謹亦以爲言議遂寢燿又著寶應治水或問八條修寶應志十二卷治行卓犖見稱於時嘗入鄉賢祠欲撤陳琳位亦可知其爲人矣後召爲南京四川道御史

道光志

劉達字叔雲臨川人崇禎七年進士授寶應知縣涖任之初捕二三奸民置重典闔邑肅然時軍興急催科達先富後貧由多及寡課登而民不擾建南北鎬樓濬引河迴繞學宮改水關百廢俱興後行取御史巡按廣東

邑人祠達於新建文峯基址之北

道光志

余增遠字若水

康熙紹興志字謙貞

山陰人崇禎十六年進士十七

年授寶應知縣涖任甫數日知國祚將傾挂冠歸隱稽

山門外渡東橋下偕妻子躬耕而食初李自成之陷京

師也兄煌以修撰家居肅衣冠再拜投橋下死增遠不

復渡此橋結屋三楹不蔽風雨長吏無得見者或拜門

外以去

道光志

孫鍾臯字唐斌富平人崇禎十六年進士十七年會福

王南渡軍興旁午鍾臯任寶應一切與民休息囹圄盡

空胥吏改業民德之甚深後調知興化縣

道光志

寶應縣志

卷十

官績

十四

官師志

黃致睢州人任縣丞居官廉惠民敬愛之秩滿以當道

保升支七品俸復任三年

道光志

陳大模甯州人任縣丞在任三年清慎一致民甚安之

升某州判官

道光志

張隆義烏人宏治時官寶應主簿初河工設淺夫祇令

撈淺不許加隄法誠善也河官多不如法是以河日淤

墊隄日加高城郭人民形同釜底隆終歲駐河隄督課

淺夫撈淺無虛日又以白馬湖逼近城闔廣植茭葑以

捍風浪士民德之

道光志

徐志高山東恩縣人嘉靖初任縣主簿管河運河隄石

工凡志高所督修者堅固密緻水不能嚙過者莫不指  
之曰此徐公所修隄也設管河者盡如志高可永無隄  
決之患矣

道光志

袁鑾山東臨縣人任縣主簿嶷嶷長者守官清苦家人

至不能贍衣食去之日蕭然敝篋如寒儒云

道光志

王革任儒學教諭教法修飭在門之士有貢於南太學

者祭酒陳敬宗曰汝寶應王教諭弟子耶當是端士遂

優禮之

道光志

危澄侯官人洪武時官寶應教諭時重學校諸生額少

皆居學舍澄每五鼓起坐堂上令二門子送東西號燈

寶應縣志

卷十

官績

十五

官師志

燈至諸生卽起誦有不誦者痛笞不少貸終澄任黌舍

之間書聲不絕

道光志

于惠本郡人

圖經作江都人

元末領鄉薦不仕洪武三年舉經明

行修六年授寶應訓導因家焉惠博學工詩篤於倫理

虞文靖公贊其小像云從容乎天地之間敬謹乎孝弟

之際蓋得於中之謂禮和之謂義者乎惠嘗著寶應八

景並有詩

惠家譜云于定國後裔所述世系甚詳道光志

吳朝喜海陽人景泰時由舉人任寶應教諭每晨起集

諸生講其鄉先生白沙之學亶亶不倦

嘉靖維揚志

倪鑑安官人宏治時官寶應教諭時陸氏之學盛行而

紫陽之學微鑑憎談學者皆尊陸氏每與諸生論說手捧紫陽木主亟稱曰吾朱夫子說如是鑑博學多聞諸生樂聞其說如探淵海焉

道光志

漆文昌浙江新昌人以舉人隆慶五年任寶應縣教諭德宇醇粹飲人以和諸士子如坐春風中擢沅江令去士子思之不置扁仰斗以志思

道光志

朱廷輔浙江鄞縣人以舉人萬歷二年任教諭卓朗修潔皎如玉山別構小齋博綜墳典性篤孝司河南文衡迂道返鄞省其父母士子咸師尊之

道光志

孔承先曲阜人任教諭先聖六十代孫舉止安詳動中

寶應縣志

卷十

官績

十六

官師志

渠雋修學前街建尊經閣學宮爲之一新時縣中有水患百役蝟興承先才幹有餘爲當道所禮重縣事多倚

任焉

道光志

蕭如蕙臨桂人以舉人任教諭博綜羣籍詞彩燦然風韻飄飄在塵寰之外門生載酒問字者日造館下嘗賦牡丹長歌落筆颺生譽之者以爲供奉再見也

道光志

扶桂重鄙縣人任教諭質朴長厚坦無他腸士子皆感悅之踰二載飄然辭歸士子留之不得當道亦嘉其高

致云

道光志

盧洪夏東陽人任教諭盡捐俸金立狀元峯邑中科第

乃盛

圖經

汪文盛甯國人萬歷三十六年官寶應教諭教士先德行而後文藝尙志節而黜浮華清操峻節遠近傾心越三年卒於官家無擔石殮以敝服士皆哀之邑人兵部職方司主事劉永澄具牒有司請祀文盛於名宦祠爲大吏所格不果

道光志

之

道光志

寶應縣志

卷十

官績

十七

官師志

孫蕙字樹百淄川人順治十八年進士康熙八年授寶應知縣先宰邑者不恤民隱多雜派時淮黃並決湖水洶湧高郵破清水潭寶應破瀝青溝田廬盡沒民貧殆不可狀蕙傷之爲力除雜派並革馬戶官農糧單等色目歲省費以萬計自淮不出清口黃水灌淤漕渠歲徵濬河夫七千餘蕙不忍多役減至千夫工不如式河道都御史羅多怒將劾治是時民德蕙甚環都御史署號泣者幾萬人都御史心動給曰工六日竣貸令民於是爭赴畚鍤遠近至者二萬人三晝夜工成都御史驚喜而蕙譽望益著先是明設鳳陽倉歲輸粟食護陵兵號

鳳米道遠又涉洪澤湖民甚苦茲役清罷護陵兵設倉如故米旣由淮達鳳陽而淮兵之護漕者又自鳳陽運米歸兩不便蕙請寶邑鳳米解淮食淮兵漕運都御史帥顏保深然之上疏如蕙請遂得免解鳳陽三藩叛時舟師數過境民間供繒役奏銷後乃給銀每夫一錢一分卒無實惠又先集夫閉公所輒曠旬日不得治生業蕙察驛設水夫陸夫可六七百人借庫項並募於十舖三十六莊先期給額銀不齊集閉置然兵船至亦無敢後期者是年兵十數過里甲無擾焉布政使慕天顏甚器蕙蕙因請曰清水潭未塞高寶諸邑田沒於水者冬

春暫涸夏秋沒如故縱他日隄成不沒而阡陌廬舍盡壞芟芻之屬暢茂塹擁芟除視懇荒尤難須三年起科廣招徠勸開墾流移者庶有復業日耳會天顏入覲奏蕙語許焉淮揚之民頌天顏及蕙不衰蕙治寶六年崑以愛民爲急不自計利害升沈十五年以卓異擢戶科給事中上疏論優人錢永等不宜官縣令又論都察院通政司大理寺官不宜用任子清聖祖深然之後有薦永者以曾被蕙劾詔不許又上疏陳秦省運糧苦請免間架稅得豁者至數十萬以憂去卒於家蕙爲人強直談論侃侃客有所請託恆不能出口而止官寶應時如

雪喬樂吾劇盜株連之誣咎喬華楚挾旗主勢之詐皆明察無所阿避而文學士若陳鈺喬出塵王潔劉中柱輩多降氣訂交試士拔第一者五人郭連州昂王孝廉康王殿撰式丹葉上舍偉劉鴻臚國黻多相繼飛騰人以爲盛事云

道光志

葉燮字星期浙江嘉善人進士令寶應時邑疊被水災前令孫蕙求治甚急燮繼之以鎮靜未一年以不善事上官投劾去燮工於詩在任有紀事雜詠十二章頓挫淒婉而潔己愛民亦於詩徵之

道光志

徐灑字立庵光州人康熙二十五年知寶應縣事百廢

寶應縣志

卷十

官績

十九

官師志

俱舉修縣志二十四卷重修八寶亭北城樓申明亭察院署接官廳養濟院及永安插朱馬灣插增西倉小廩十四間又置河西磨旗墩學田六百畝遺愛至今稱道

勿衰

道光志

張增字子晉順天宛平人以舉人任寶應縣歲丙子丁丑淮南大水界首子嬰隄潰增冒風雨夜爲書告長吏請閉涵洞使民得修隄雨連月不止隄數築數決明年春增召邑人告之曰秋時水潦降洞開而築不堅及春爲之費半功倍乃官市隄下田畝拓其故址三旬而成時有修河補官之令皆怙勢掘民田不給價增請於上

飭禁之不聽者一繩以法居官七載吏民謳思之道光志

熊會玠潛山舉人乾隆十年任寶應縣築尹公隄寶應民俗婦不得於姑者輒縊母家聚閨沴氣乘之縊者遂多日數報會玠慨然曰是可止也遂往陳婦屍數以不

孝之罪而鞭之其風遂止屢擢至徐州知府安徽通志

蔣堯年漢軍鑲藍旗人乾隆十年知寶應縣事值歲大稔堯年截留漕船若干請於上以振飢民邑賴以安父老流傳有蔣青天之號道光志

沈錫鼎字定九仁和人乾隆十七年知寶應縣事愛士甚誠諸生有訟者反復譬曉不施箠楚每月招試生童寶應縣志 卷十 官績 二十 官師志

手定甲乙遣吏傳送數年士爭向學無涉訟庭者道光志

李英字 仁和人乾隆三十三年以舉人知寶應縣事有政聲邑人設位祀之道光志

謝宣雲南昆明人秩官表作楚雄人以舉人乾隆三十四年任寶

應善聽訟執法不少貸案牘至輒結無踰十日者終宣任市無酗酒爭奪之釁其桀猾者皆斂跡改調蕭縣以捕蝗不力罷去貧無資斧蕭縣民奔走釀錢贈之寶應百姓亦追送之數十里道光志

吳春澂字朗陵浙江錢塘人秩官表作仁和人進士大學士高晉

總督兩江聘掌書記以沿河知縣奏留乾隆四十八年

補寶應邑故有插洞所以利漕亦以便民當事者以輓  
運爲急每四五月民田急灌溉時防遏轉甚春澗至務  
在利民徑先啓之然後報歲甲辰境內亢旱終獲有秋  
春澗之力也在任一年卒於官

道光志

孫源潮字尹圃安徽宣城人進士乾隆六十年令寶應  
下車卽以諸生絃誦地謀於邑人士後因喬氏縱擢園

舊址構堂三楹顏曰景賢畫川書院此其始基也

同治揚州志

唐先甲字應三山西陽曲人

秩官表作曲沃人

嘉慶四年進士十

二年官寶應知縣潔己愛民邑水災先甲親至村落給  
以磨粦竹蓆有勛災絕句云百尺濤頭西復東田園邱

寶應縣志

卷十

官績

二二

官師志

墓總成空可憐二十三村舍都在洪波巨浪中陞蘇州  
督糧同知歷署鎮江常州府知府嘗奉檄審疑獄立時  
判決卒於官貧不能還葬同官賙之喪始克歸

道光志

傅璋字莪山湖北天門人拔貢生道光七年知寶應縣  
事時糧艘水手在城南械鬪勢甚洶洶璋率兵役往擒  
數人重懲之餘衆遂散邑捕役多窮乏璋曰巡緝賊盜  
必需健夫飢餓何能勝任因捐廉給之市河湮塞璋親  
督挑濬深廣如法在任一年案無留牘

同治揚州志

王澐字湘浦浙江山陰舉人道光八年任寶應縣平反  
之案甚多是秋洪湖水漲灌入運河大吏促啓東岸黃

浦各閘以資宣洩濬力陳其不可乃止秋收賴以全穫  
次年三四月間大旱邑田之資運河水灌溉者南北且  
數十里管河主簿藉以濟運各閘洞閉塞索費不貲閭  
邑嗥器澆立赴工所親執誌椿測量深淺酌定六分濟  
運四分漑田勒各閘洞照式啓放是年亦得以有秋尋  
升高郵州洊擢山東曹州知府歷官至甘肅道所蒞之  
地政聲卓著深得民心

同治揚  
州志

姚文字邗生錢塘人安徽巡撫祖同子道光戊申任寶  
應縣是年邑大水身先捐廉集資並請於大府籌辦振  
濟全活甚衆律已至嚴獄訟躬自批判不假幕僚吏多  
寶應縣志

卷十

官績

二二

官師志

憚之書法宗漢魏北城外有晚香池石刻其遺筆也後  
補江都尋升知府軍興以積勞歿於軍卹贈道銜匱厝  
邑城南蓮池菴西路旁

郝植松字曉峯直隸三河人咸豐六年由拔貢知寶應  
縣蒞任三日瓜洲賊復陷揚城軍勇潰散過境向植  
松索貸衆洶洶持械挺仗入城居民震懼植松亟邀其  
隊長理諭之不聽乃抗言曰某新來作令地小民貧力  
難供給無已可將吾首去無重擾吾民兵衆憚其氣盛  
率解去時邑中聞警曰有遷徙勢不能禁植松乃自淮  
迎其眷屬鼓吹前導民心乃安其膽識如此

同治揚  
州志

胡瀛生字海峯奉新人光緒三年由進士知寶應縣事  
四年運河水漲郎兒閘閉塞閘下居民因人牛汲飲乏  
絕暫行啓閘巡檢黃志融誣稟漕督發兵蒞寶瀛生察  
其寃爲告得雪並慰勞兵士居民賴以無擾邑人德之

逸園日

涉錄

朱士俊字英甫海甯人光緒二十七年以舉人銓寶應  
縣勤惠廉明興利除弊邑人成恭恪肇慶殉節靈壽士  
俊重其節復爲詳請於本邑建祠捐廉首倡並撥充公  
田四十餘畝爲春秋祭資時邑盜風甚熾懸重賞獲盜  
三十餘起以憂去服闋銓授山西高平縣

寶應縣志

卷十

官績

一三三

官師志

葉均字階平上元人由工部掾考滿發河工乾隆三十  
一年秩官表作補寶應主簿運河插洞民田皆資灌溉水

四十四年

小則閉以濟漕而民苦旱水大又啓以保隄而民苦潦  
均相時緩急調濟有方公私交利丙戌夏大水均以閉  
插爲通守所揭河督召均問狀均言高郵三壩水誌不  
至三尺不開今水未至三尺奈何不顧百姓河督躓其  
言置不問後遷邳州州判道光  
孔傳坤字靜遠曲阜人道光志秩官表道光十四年任寶應  
作順天大興人  
主簿所轄境自劉家堡至界首鎮凡四閘四洞皆以時  
啓閉利漕溉田十九年運河水勢稍落農田栽插急資

灌溉漕督嚴札令盡行堵閉傳坤拒之甚力不爲稍動  
比重漕臨境水勢充足銜行無滯上下乃大悅服歿祀

名宦祠

同治揚  
州志

侯鳳苞字心齋金匱人嘉慶二年由舉人官寶應教諭  
淹貫羣書工詩古文辭訓迪士子多方甄陶問字者座  
常滿焉在任十八年至今殘膏賸馥沾勺來學

同治揚  
州志

湯潞字佩蓮懷遠人嘉慶八年以歲貢銓授寶應訓導  
十年江淮間大水寶應瀕湖東西鄉皆被浸邑令檄潞  
撫卹路端已奉公終事不納里胥絲粟亦無敢干以私  
者上官下其事以爲它邑法

游道  
堂集

寶應縣志

卷十

官績

一四

官師志

張鼎字愛吾霍邱人以舉人嘉慶十五年官寶應訓導  
捐俸倡修崇聖祠漢二烈士祠有諸生受縣隸侮鼎力  
爭於令懲隸乃已十八年躍龍關壞水溢入城居民謹  
譟語侵河官官捕謹譟者有諸生二人在逮繫中鼎溫  
語慰之遍謁上官爲白其枉乃得釋鼎束修之外不妄  
取錢家徒四壁清操如故以疾去官旋卒於家

道光  
志

邨長濬字雲方溧水人拔貢初任蕭縣教諭光緒四年  
任寶應教諭循循誘士子溥學使良以才優守潔課士  
殷勤上諸朝傳旨嘉獎服官二十餘年無阿諛事善畫  
工詩詞著有縮紅軒詞集

楊泰煥字瑤圃太倉州人光緒十六年以優貢任寶應  
訓導工書善屬文訓迪士子亶亶不倦故成就者衆焉  
程學伊字理堂婺源縣人天性至孝光緒元年由靖江  
典史調補寶應典史歷署任槐樓衡陽巡檢知縣梁枚  
卒於任學伊攝篆月餘清理積案百餘起民服其神邑  
躍龍關檻壞水夜入城深尺餘幾致潰決學伊冒風雨  
親督堵塞漕督黎嘉其才保以道庫大使在任儘先補  
用學伊在官二十一年勤惠廉明折獄尤允卒日囊橐  
蕭條無以爲殮邑人感德釀金紀其喪歸之

又有知縣趙炯李士襄李日成楊廷棟皆有賢聲惜

無事蹟附著其名於此

道光志

